

þykkt vikið honum frá störfum, en tilkynna skal hún félagsmálaráðuneytinu þessa frávikningu svo fljótt sem við verður komið. Hreppsnefnd ákveður hvort oddviti eða annar hreppsnefndarmaður taki við starfi sveitarstjóra og gegni því uns sveitarstjóri hefur verið ráðinn að nýju.

Samþykkt þessi, sem hreppsnefnd Þórshafnarhrepps hefur samið og samþykkt, staðfestist hér með samkvæmt lögum nr. 58 29. mars 1961 til þess að öðlast gildi þegar í stað.

*Félagsmálaráðuneytið, 21. júlí 1976.*

F. h. r.

Hallgrímur Dalberg.

*Skúli Sigurðsson.*

21. júlí 1976.

Nr. 308.

## REGLUGERÐ

fyrir Vatnsveitu Þorlákshafnar.

### 1. gr.

Hreppsnefnd Ölfushrepps hefur einkaleyfi til reksturs vatnsveitu og sölu vatns á því svæði, er hún nær yfir.

### 2. gr.

Vatnsveitunefnd, sem kosin skal af hreppsnefnd til fjögurra ára í senn, **annast** öll framkvæmdastörf, viðhald og endurbætur vatnsveitunnar, fjárreiður hennar og umsjón eigna, í samráði við oddvita og hreppsnefnd. Í vatnsveitunefnd skulu vera þrír menn og aðrir þrír til vara. Vatnsveitunefnd skiptir sjálf með sér verkum.

### 3. gr.

Vatnsveitan lætur leggja aðalvatnsæðar um þorpið svo víða, sem fært þykir, svo að húseigendur eigi greiðan aðgang að þeim í fyrirhuguðu vegarstæði, götu eða opnu svæði, er lóðir þeirra liggja að. Frá aðalæðum leggur vatnsveitan heimæð að stofnhana húss. Vatnsæð er lögð í skurðstæði holræsalagnar.

### 4. gr.

Hver sá, sem vill komast í samband við vatnsveitu Ölfushrepps í Þorlákshöfn, skal senda vatnsveitunefnd skriflega umsókn þar um. Umsókninni skulu fylgja upplýsingar um, hve mikið vatn hlutaðeigandi telur sig þurfa að nota.

### 5. gr.

Skylt er húseiganda eða lóðareiganda að halda vatnsæðum sínum vel við, og láta tafarlaust gera við þær, ef leki kemur að þeim eða aðrar bilanir. Hann skal sérstaklega gæta þess, að ekki frjósi í þeim. Enginn má setja aflvélar í samband við vatnsveituna, nema með samþykki vatnsveitunefndar, og með útbúnaði, sem hún telur tryggan.

### 6. gr.

Vatnsveitunefnd getur fyrirskipað takmörkun á vatnsnotkun, ef skortur er á vatni. Þá getur hún lokað fyrir vatnið, þegar þarf vegna hreinsunar á vatnsgeymum

eða viðgerðar á vatnsæðum. Slíka lokun skal tilkynna fyrirfram, ef tök eru á. Fullan vatnsskatt ber að greiða, þótt slík lokun fari fram.

#### 7. gr.

Vatnsveitunefnd er heimilt að loka fyrir vatn hjá þeim, sem eftir ítrekaða áminningu eyða að óþörfu vatni, vanrækja að gera við bilanir á leiðslum sínum og hafa vatnsæðar þannig, að óþrif hljótist af, eða greiða ekki vatnsskatt á réttum gjalddaga.

#### 8. gr.

Skýlt er manni að láta af hendi land og landsafnot í þarfir vatnsveitunnar, svo og mannvirki, og þola þær eignakvaðir, óhagræði og takmörkun á afnotarétti, sem vatnsveitan kann að hafa í för með sér, enda komi fullar bætur fyrir samkvæmt mati, ef ekki næst samkomulag.

#### 9. gr.

Vatn til landshafnar er selt eftir mæli.

#### 10. gr.

Hver sá, sem tekur vatn úr vatnsveitunni án heimildar, eða á annan hátt en ráð er fyrir gert, í þeim tilgangi að losna við að greiða gjald fyrir, skal sæta sektum, nema þyngri refsins liggi við samkvæmt lögum, auk þess sem honum er skýlt að greiða fyrir vatnið samkvæmt mati vatnsveitunefndar.

#### 11. gr.

Hver sá, sem skemmir eða saugar vatnsæðar vatnsveitunnar, brunna hennar eða önnur mannvirki, skal greiða fullar bætur fyrir samkvæmt mati tveggja dómkvaddra manna og sæta sektum nema þyngri refsins liggi við.

#### 12. gr.

Vatnsveitunefnd eða trúnaðarmönnum hennar er heimilt að fara í hús manna, þar sem vatnsæðar liggja, til athugunar og aðgerða. Ef útbúnaði er að einhverju leyti ábótavant skal húseigandi tafarlaust bæta úr því, ella er vatnsveitunefnd heimilt að gera það á hans kostnað.

#### 13. gr.

Af öllum húsum í Þorlákshöfn, sem virt eru til fasteignamats og vatni er veitt í, eða úr næst til vatnsæða í götu, í vegi eða á opnu svæði, er lóð þeirra telst til, skal greiða vatnsskatt.

Skatturinn skal lagður á eftir lögskipaðri fasteignamatsvirðingu húsa og lóða.

Nú er hús, sem greiða ber vatnsskatt, ekki virt fasteignamatsvirðingu, og ákveður þá vatnsveitunefnd skattinn.

#### 14. gr.

Hver sá er tengir við vatnsveitu Þorlákshafnar, skal greiða tengigjald samkvæmt gjaldskrá.

#### 15. gr.

Af húsum sem nota vatn til annars en venjulegra heimilisþarfa vegna atvinnu, sem í þeim er rekin og útheimtir mikið vatn svo sem verksmiðjur, baðhús, þvottahús, iðnaðarfyrirtæki o. fl. skal greiða vatnsskatt skv. 2. gr. gjaldskrár og viðbótar-gjald samkvæmt mældri notkun.

Vatnsveitunni er heimilt að mæla notkun vatns yfir 1 ár og miða síðan við að um sömu notkun verði að ræða næstu ár þó að þá sé eigi mælt.

### 16. gr.

Heimilt er að selja vatn eftir mæli, er vatnsveitan leggur til, en notendur greiða fyrir hæfilega leigu eftir ákvörðun vatnsveitunefndar. Sé vatn selt eftir mæli skal greiða samkvæmt gjaldskrá.

Fyrirtæki svo sem þvottastöðvar bifreiða, greiði vatnsskatt sem stjórn vatnsveitunnar ákveður í gjaldskrá.

Húseigandi ber ábyrgð á greiðslu vatnsskatts húsa.

### 17. gr.

Reikningsár vatnsveitunnar er almanaksárið. Gjaldldagi vatnsskatts húsa er samhlíða gjaldldaga fasteignagjalda.

Vatnsskattur samkvæmt 16. gr. fellur í gjaldldaga annanhvern mánuð eftir á eða þegar verksmiðjurekstur hættir ár hvert.

### 18. gr.

Brot gegn reglugerð þessari varða sektum allt að kr. 40 000.00 nema þyngri refsing liggja við að lögum.

Með mál út af brotum gegn reglugerðinni skal farið að hætti opinberra mála.

Reglugerð þessi, sem samín er og samþykkt af hreppsnefnd Ölfushrepps, staðfestist hér með samkvæmt lögum nr. 15 20. júní 1923 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

*Félagsmálaráðuneytið, 21. júlí 1976.*

F. h. r.

**Hallgrímur Dalberg.**

*Skúli Sigurðsson.*

## G J A L D S K R Á

fyrir Vatnsveitu Þorlákshafnar.

### 1. gr.

Fyrir hverja húseign í lögsagnarumdæmi Þorlákshafnar skal árlega greiða vatnsskatt. Þó skal gjald þetta ekki innheimt fyrr en viðkomandi hús getur fengið vatn úr dreifikerfi vatnsveitunnar.

### 2. gr.

Vatnsskattur samkv. 1. gr. skal vera 0.37% af framreiknuðu gildandi matsverði húss og lóðar. Hafi fasteignamat ekki farið fram á húsi, sem hægt er að tengja dreifikerfi vatnsveitunnar, áætlar vatnsveitan gjaldið. Lágmarks vatnsskattur skal vera kr. 5 000.00 á ári.

### 3. gr.

**Notkunargjald skv. vatnsmæli.**

Vatnsveitan leggur til vatnsmæla í þau hús, sem hún telur ástæðu til, og skal notandi greiða kr. 11.00 fyrir hvern rúmmetra vatns. Mælaleiga er kr. 2 500.00 fyrir árið. Bílaþvottaplön skulu greiða kr. 25 000.00 yfir árið.